

1987 - 1996

1987

E Fuessball WM das isch glatt  
doch wirsch dervo elei it satt

Drum ghöört näbscht Bommschips, Chäs und Wurscht  
derzue au öppis für e Durscht

Bim Gisi Tom isch no meh gloffe  
är het's Bier samt em Deckel gsoffe

Der Gregor isch e Zimmermaa

E Chrampfer ischs - me gseht em's aa

Der Bus ladt är zum bärschte voll  
und frääst i d'Chilekurve schnäll

Die ganz Sach rütscht - s'isch zum holeie  
und duet uf d'Hauptschtrooss uusegheie

Wenn dii Waage so duesch lade  
wär es Seili glaub kei Schade

93

Der Gehri seit Ojee Ojee  
wie duet au hüt mi Rugge weh

sit Tage duet mi das scheniere  
jetz muess i s'Näscht mol inschpiziere

do fähle jo Lättli - potz heiteri Nacht  
dervo heb sich der Achim Pfiil und Booge gmacht

e so ne Booge, gar kei lahme  
wär doch öppis für d'Reklame

93

Machschr mol e chleini Pintechehr  
und z'Eike wirfts di ab em Teer

i der Buude holsch der Autokrane  
fahrsch rassig a dä Grabe n ane

mit dem blibsch denn grad au no hange  
so ischs is Senne Marsi gange.

drum lugg dass bi der Pintechehr  
möglichschdt nie chunnsch ab em Teer

1994

Der Dix willein uf d'Pauke haue  
und grad no chli go Mädle schau

hei Gopfridschtutz isch das e Fäscht  
dö z'Wallbach gang ich it is Näscht

är blibt denn dort ändgültig schtecke  
und d'Schüeler müend en uf der Rütschbahn wecke

hee maa - muesch ufschtöh s'isch jetz Zit  
suscht chunnsch am neue Tag it wit

95

Der Delz dä buuret uf em Boll  
und macht so Bülle gross und voll

das sigi Fueter für sis Feeh  
dervo miech är jetz denn no meh

vor luter Ifer isch em eini  
s'Bord ab drohlt fascht bis zum Reini

i säg ders jetz - wenn Golf wetsch schpiele  
muesch vil chleineri Chugle wähle

\* \* \*

S'Gabi duet e Teig amache  
denn äs will Wienachtsgutzli bache

es rüert en zümpftig mit der Chelle  
und duet en duss a d'Chälti schtelle

jetz holen - fascht hätt is vergässe  
verdeckel jetz heinen d'Chatze gfrässe

si seit zum Bimmi - ojee Schatz  
dä Teig dä isch für d'Chatz

Choisch mer s'Glettibrätt jetz ändli flicke  
odermuenisamändt doch no iischicke

duet s'Marielouise zum Miggi säge  
dä wird ganz blass und mordsverläge

jetz hani das - ojee - ojee  
i d'Muelde gheit ganz us Verseh

Rumpflig isch halt jetz die Wösch  
- bim Mösch -

2024

Lee Schöö song fä - das isch französisch  
 Gäld schiin hin - heisst uf chinesis

nou moor käsch - amerikanisch  
 Pinke futsch - so tönts japanisch

und wetsch es au uf dütsch no wüsse  
 die CS - Bäcker heinis mächtig bschisse

ich wurd säge - jo derno  
 die ghöre gschosse uf e Moo

Tschendere das isch jetz modärn  
 s'Schprooch-Bild hüt isch voll mit Schtärn

da'sch wichtig jetz - mer chönnes gseh  
 normal sii - das isch alte Schnee

mir düend jetz ame - müend it lache  
 a de Wiehnacht Tschender-Schtärne bache

doch öppis dra duet mi chli jücke  
 die Sieche chratze bim abe schlucke

RAIFFEISEN 6

So jetz muess alles i dä Chaare  
Dass i it muess zwoimol fahre

Der Fippi bigt bis unders Dach  
drii muess es - au wenn mit ach und Krach

So jetz no das Kantholz - iine i Waage  
doch oje - jetz hani d'Frontschiibe uusegschlage

Sicher länger as es Johr  
schtellt me sich - d'Ewig-keit vor

im Nochberdorf - s'isch gar it wit  
wird grüblet scho sit ewiger Zit

denn d'Juchgass uff chasch mit dim Chaare  
im jetzige Läbe nümme ue fahre

Wie ne Suppe ohni Salz  
Wie ne Röschi ohni Schmalz

Wie d'Schtadt Züri ohni See  
Wie s'Jungfrau-Joch ganz ohni Schnee

So chunnt mer Zuzge - das isch woahr  
ohni euses Rössli vor

I chrummer Haltig duet me gaffe  
bim fahre - bim Laufe - sogar bim Schaffe

tschette schtriime und no meh Sache  
mit der neue Bible chasch alles mache

mir bruuche jetz - denn das isch wichtig  
e dritte Turm für di neuui Glaubensrichtig